



QVÆSTIO MEDICA

QVODLIBETARIIS DISPVATIONIBVS

MANE DISCVTIENDA

IN SCHOLIS MEDICORVM

Die Iovis 14. Novembris.

M. CLAVDIO BIENDISANT,
Doctore Medico, Præside.*An erumpentibus variolis, urgente tussi aut alvi profluvio,
venæ sectio repetenda?*

I.

NON novum, sed veteribus cognitum morbi genus, quod Græci propriè *ἐκλυπταρις*, Latini variolarum nomine designant; pustulæ quædam sunt rubræ, rotundæ, ac parvæ, per totum corporis ambitum erumpentes, purulentâ dein sanie refertæ, ebullientis in vasis sanguinis soboles, naturâ humorem noxium ab utili secretum per modum *κρίσεως* expellente. Hæc si minùs valida, copiosa, crassa, tenax materia, intercepti commeatus, non raro in ægrorum perniciem intus sæviunt, sicut dum vel adstantium errore, vel ambientis vitio, in corporis superficie semel efflorescentes momento citiùs evanescent: febrem synochum putredinis & malignitatis participem sociam habent. Hinc non hæreditaria labe (quamvis inter consanguineos magis familiares) sed pernicioso contagio serpunt in alios; omnes indiscriminatim adoriuntur, licet frequentius pueros, nec parvum ætatis etiam in utero conclusi, Qualibet anni tempestate grassantur, vernâ tamen & autumnali (præsertim si austrinæ fuerint) longè frequentius.

II.

ERRANT qui præcipuam variolarum causam, citra alicujus internæ concursus, aërem statuunt cæca malignitate affectum, qui *νεοχυλας* punitosam in utero & extra uterum contractam admittunt: veriùs illi variolas proximè enasci contendunt ex

vitioso & corrupto sanguine, quem vel prava gignit vivendi ratio, aëris inquinamentum, vel *μιασμα οννοδορῶδες*, ex impuris menstrui reliquiis partibus impressum. Vnde quibus sordidis scatent humoribus viscera, vel laudabilibus vasa nimium distenduntur, frequentius & promptius hyariolis inficiuntur, quæ ideo nonnunquam sporadicè plures infestant, alias epidemicè invadunt, quo jure audiūt pestis prodromi; quin; non raro præ naturæ imbecillitate irrita videatur sanguinis ebullitio, tein spem erigent affidentia variolis symptomata: alto cerebrum sopore detinetur capitis gravitati conjuncto, oculi caligine suffunduntur, roseus faciem color illustrat, nares pruriunt, susurrans sonitus aures ferit, molesta est deglutiendi & respirandi difficultas, fauces, pectus, & lumbos dolor obsidet, frequens ventriculum concutit nausea, subvertit vomitus, corpus fatigat pandiculatio, cordis terret palpitatio, vires dejicit sæpius recurrens *πυρεθρία*. Interim febriles, æstuans humor cordi facies admoveat, tandemque suo stare loco nescius sanguis effervescens, motu cietur assiduo, & quidquid malignitatis habet admixtum, ad cutem amandat, in pustulas rubras, rotundas, humore plenas, quæ certa variolarum *τεχνία* sunt, abiturum.

III.

QUÆ dotibus præditæ convenientibus tandem protuberarunt incute variolæ, ut victicis arguunt naturæ robur, ductum libertatem, sic laudabilem materiæ, ex qua oriuntur, conditionem, tuncque cum ægrotantibus feliciter actum existima: periculose verò, dum his adversa ratione erumpunt, atque si præsens adfuerit causæ unde subolescunt, *κακότης*, admodum perniciosæ evadunt, puta virides, violacæ, lividæ, nigricantes, eò deteriores quò nigriores. At longè calamitosius ægrotantium vitæ insidiatur putris ille humor, dum vel quantitate luxurians, aut insensus qualitate, vel orgasmo commotus, papulis in cute efflorescentibus, in internis etiamnum partibus furias agit: tunc aliqua sui portione decumbens in intestina, torminosum parit alvi profluvium; alia in pulmones irruens, tussim movet, quæ nonnunquam humida frequentius sicca, utroque tamen nomine exitiosa, quod crebra pectoris concussione corpus nimium commoveat, capitis dolorem inferat, vigilias accersat, respirandi difficultatem excitet summam, quam lethalis sæpius angina excipit, ac tandem, nisi magni cujusdam præsidij beneficio, alio revocetur inordinatus ille humoris impetus, vel in proprio fonte interceptiatur, *φθισιν* inducat immedicabilem, nec minus naturæ & Medico faceffit negotium, crebra, eruptionis tempore ferossæ colluviei, per alvum dejectio, quæ illa multum effata non modò à suis muniis avocatur, sed iis in posterum rite obeundis impar efficitur. Quare frustra insudat naturæ minister, qui tali neglecto symptomate, roborandis illius viribus totus incumbit; qui enim ad intestina perenniter depluit effusus humor,

nova illic fermentatione ebulliens, partes cum cruciatu distendit, aut affectum infert dysentericum: tum conceptis ignibus magis incallescens, nativo calori sic bellum indicit, ut tandem inducta intestinorum *vesperæ*, omnis prorsus pereat recuperanda salutis expectatio, tanto nisi imminenti periculo, multiplici venæ sectione prospexerit peritus artifex.

I V.

VARIOLARVM, quas statim ab initio prædicta comitantur symptomata, curationem non assequuntur, qui prætermittit venæ sectionem, pro morbi magnitudine & virium robore pluries repetenda, ad sudorifica confugiunt, quæ insigni calore & eximia quæ pollent partium tenuitate, totam potius sanguinis massam colliquant, humorum augent decubitus, nativum calorem dissipant, quam utilem peccantis humoris ad cutem promoveant expulsionem: Non probanda quoque vesicantia, non admota cordis regioni tum solida tum liquida epithemata, ex cardiacis (ut vulgò ferunt) composita, quibus nulla sive occulta sive manifesta vis inest, quæ illud roborent: non gemmatas aut ex auro, vel fragmentis lapidum pretiosis, conflatas potiones, quibus iners prorsus & invalida ad juvandum facultas; non Confectionem Alkermes vel de Hyacintho, in aquis scorzonæræ, cardui benedicti, aut consimilium dissolutam, quæ ut crassitie vias obstruit, putredinem accelerat, dum qui interceptis meatibus ut plurimum hærent humores, confestim cæcis ignibus incallescunt: hinc præfervida intenditur viscerum intemperies, quæ cordis adaucto calore febris exacuitur, & symptomata, quæ inchoante morbo satis crudeliter divexabant, redduntur graviora. Nonnulli cum numerosa muliercularum turba incipientibus variolis (licet summa videantur symptomata) vinum commendant; sed perperam, quod caliditate & siccitate qua constat febrili incendio stimulos addat, fluxiones promoveat, calidis halitibus caput gravet, delirium acceleret, & non rarò convulsionibus ansam præbeat. Alij dum ægros in conclavi impensè calido multis onerant tegumentis, ut nativum illorum calorem tueantur, eundem vel suffocant vel exolvunt; sicque in illorum commoda gravissimè peccant quotquot isthæ levioris armaturæ præsidia venæ sectione anteponunt.

V.

OMNE punctum feret venæ sectio, cujus salutare effectus dantur dumtaxat qui illos ignorat, infeliciter sanguini parant illi variolarum initio, quem deinceps, dum gravia quædam urgent symptomata, coguntur profundere. Hac arte non juvabitur, sed fatiscet natura? Vis alacriorem reddere, tempestivè auxiliares manus porrigere, Gemit nonnunquam incipientibus variolis nimia sanguinis quantitate obruta, hujus portionem incisâ venâ detrahe, efficies vegetiorem; languida videtur in excernendo, vires addes phlebotomiâ; huc illuc

que fervore concitati ruunt humores, sistet vena sectio; pulmones tussis exagitat, immanis intestina excruciat dolor, vires frangit alvi profluvium, his omnibus tutò prospicies, si in mittendo sanguine audax fueris; teque tamdiu talem præstabis, quamdiu symptomatum, quæ morbum ab initio fuere comitata, intensio postulabit; neque interim à bechicis & anodynis prorsus abstinebis: sicque attenuato febris incendio, restituto cordis robore, sedato humorum orgasmo, expeditis partium viis, per quas ad cutem humores noxios debet natura propellere, non modò à pulmonibus proxima suffocationis periculum avertes, diris liberabis cruciatibus intestina, verùm efficies ut uni dumtaxat motui perficiendo intenta natura, opus suum feliciter absolvat, nec ab hac medendi methodo ulla te deterreat ætas, ulla regio, anni tempestas, aut corporis habitus, licet in hujus decernendi modo illorum omnium, quod prudentis Medici est, rationem habere debeas.

*Ergo variolis erumpentibus, urgente tussi aut alvi profluvio,
vena sectio repetenda.*

DOMINI DOCTORES DISPUTAVRI.

*M. Jacobus de Bourges.
M. Petrus Legier.
M. Nicolaus Robin.*

*M. Franciscus Sorand.
M. Jacobus le Menestrel.
M. Carolus Brisset.*

*M. Franciscus le Vignon.
M. Petrus Legier.
M. Claudius Germain.*

Proponebat Lutetiæ CLAVDIVS DE QVANTEAL,
Castelliosequaneus, A. R. S. H. M. DC. LXIX.

PARISIIS,

Ex Typographia FRANCISCI MUGUET, Regis ac Illustrissimi
Archiepiscopi Parisiensis Typographi.